

陳恭介公文集

陳恭介公文集卷之十

明餘姚心穀陳有年著

吉水南臯鄒元標校正

萬載崑崗張璧同校

從子陳啓孫付梓

家子陳啓端編輯

書

與嘉定尹日峰蔣年丈

夙仰芳聞獲附雲驥之末無任忭幸既吾丈榮分吳

旬又重幸曰此吾先子始任邑也。年自孤長每見嘉
人士即心戚戚若對先子而况吾夫臨茲地哉。是用
肅誠謁候再及堂而從者辭焉。時弟亦戒雲中之役
僮僮阻違負歉良極逮自後抵舍客有自吳者誦吾
丈履吉臺端仁風駛溢羨仰羨仰且聞嘉人士有追
繹先子以遺事上當道欲勒諸石者。吾丈至則從而
勸成之。益感戰不能已。因憶先子去今遐矣始去邑
時有郭君已採輿議撰去思而更為一二鄉大夫所
尼。迺越三紀而竟祀之。越四紀而竟碣之又假重於

明使君之手豈天之表章塵蹟固自有會耶欲趨謁
賀謝且拜先子之祠屬北上期迫不得如願積罪抱
悵更倍曩昔敬脩蕪狀申布鄙私瞻候不躬無任馳
企

與雲門任年丈

長至夜集既領貺教轉轂又隔壬癸時可柰何計兄
侯堂履吉正屬陽春想一下車花已成植矣盤錯之
地穀漲之時累勩歇業為八閩先於是乎在如兄達
才強力固應談笑致之耳仰自太夫人俯及令公子

未審已偕達省宇耶、抑輕車先詣徐為迎聚圖耶、穀
人駢穀無進退俱有長筭、即無論在署在宅、諒自獲
天樂也、弟叨藉西曹、偷慵寄芳、日兢兢素祿、是惧無
可道者、且家堂漸老、宦子方遛、白雲東凝、緇塵北擁、
每切清夜之思、恨未能脫徒班行、徒為罪媿也、大君
子何以教之、完愚官留司養、吾令江北二三同年都
屬、乖阻追憶去年、此際聚首、論心三日、不晤便為驚
詫、今定何如、可為一悵、廼知昔賢之嘆索居、前聞之
重聚樂、良有以也、茲貴屬汪驛宰之任、因附鄙私、以

進悠悠千里筆詎能悉期當同結此心耳心同即千里如面諸所為謗又規切者幸不惜惠音至望又與觀所周中丞

年猥菲然夙徼福於世稊且因令子年誼以重為介紹而明公之隆貺輒累繹被之德在不謝春正拜違於胥江之僑遵途迤上聞白頭黃齒群謳者皆頌盛德者也既浮大江歷脩路知北地所遙頌不南麗樊迨於轍輦之下且為徹焉元老享嘉薦紳藉譽必曰中丞中丞云嘗聞大君子欲有為於天下必獲上公

民而後動無不利即今如明公者將膏福列土晉儀
朝著何所呈闕而天下亦寔傾企之固知明公所答
望者不淺淺也令子年丈發錙巢邑小試利器循聞
良蹟家法具存棠芑花封風聲更接俾他日夾江而
戶祝者曰大周公小周公顧不偉哉忭賀忭賀某叨
籍西曹闇不更事偷暇寄劣日惟素祿是思不識明
公何以教之使得寡過也瞻仰德符邈矣南國末由
就正抱此遐心片牘馳誠詎罄悃歎惟明公登之於

筆外耳

與吳見輿

曩春風三北輒同轅而馳憤懣激昂之懷兩所悉也
數有適偶亦有適奇故石售玉隱苞鳳輯羽而凡爲
爭飛識者奚異焉乃今者誠有類於是夫屈信之數
變化之道深於易者所洞曉也無俟予贅言第與君
論人事耳學校士藪也蓋資者於市蓋執者於學矧
廬陵歐陽子以文學倡士蓋彬又盛矣兄儼然師也
寧獨樹桃李收而有之抑亦吾心之春也昔有嗜雞
蕪者食必數千而後已粹白之裘選於衆狐貴得其

腋耳教學相長自古已然兄母以廣文先生為少也
且兄往日之歸也居則慮館穀出則懷庭闈雖涵養
素定亦必有以心為鳴鵠者今者不館穀而師道尊
不庭闈而家慶集取材於群髦鎔裁于獨見所為沉
淵閎肆欲無倍往不可得已即司命者終能抑之使
老芸閣耶此皆實理非以吾兄知愛謬為媚語也第
寄劣西曹進揖於堂退息於署亦竟何所表見讀律
難成讀書多奪吏治文章兩者俱廢身非良驥墨牽顧
長徒養成疎慵之性而已大君子何以振教之南望

惘然無由一吐瀝耳

與楊完愚

去歲別兄而東、本謂聚首在邇、不期萍跡相左、遂為
西馳、世路之難定若此、南中佳勝、脫然塵壒、表夙心
曠之春、來辭老母北上、亦以此情預白、迺竟不得、因
自識密緣、已入塵界、不能奪也、君子榮履仙曹、清適
可想、山川足以助恬澹、書史足以益問學、悠然之趣、
蕭然之樂、足以樂性情、不識兄能自覺其為適耶、抑
日用而不知也、弟賦性疎慵、兄所具悉、出不能逐、擾

擾之塌入不能營營之蠅與私心甚背疇昔頗志翰
墨今且盡捐之捧一律與朝暮如學步習語又苦鈍
不入也獨幸曹清事簡杜門謝俗或庶幾南中萬一
耳每清夜念至輒起南枝之思獨居而為越吟者幾
矣故人忍為獨樂不使一與聞乎儻既不獲身與又
不獲耳聞則信乎塵緣之厚也往時辱愛最深晤對
一堂披肺腑相示今頓乖阻真成悵望別後再拜惠
音臨報輒廢癖懶之在膏肓亦可笑哉茲楊雲浦兄
往聊發所欲言直千懷一吐也執筆南望此心已飛

寄鍾山之樹而坐馳石城之上矣不宣

與內兄邵和齋

違積半載闕然久不問腑休膈戚葬又若雲表行子
之視故里則然真成一悵客有自南者聞兄早春為
頑醜所仇既私被其毒且搆隙而公侮之最後始克
以理勝甚為兄憐然不悅夫瘕狗之牙螫蠱之尾自
古所謹也傷於瘕而後殪之無補於傷矣毒於螫而
後撲之無補於毒矣君子之遇細人何以異是意者
吾兄少不惡之嚴而釀已甚之亂耶不然何至累積

怨埤毀剝蟻裳以與云云者角刀錐利鈍也山幽林
謐酒夕詩晨名教中儘可自適客感自當退聽而尚
義寧方養譽文衡若閨遠處女餘容好脩不宜為緇
塵所恩此皆高明所洞見然旁觀之子不能不為當
局者一道之幸兄反覆狂言想應渙然而釋也弟叨
藉西曹號為清簡恬澹頗愜鄙性而瞪目觸哀又輒
有憮然之感恨未能即從山林遊徙遛寄於塵馳俗
閥中畏途蒼茫使老母倚廬而注想彼浮世功名何
足道哉而一令至是天下有用世之才者亦有遺世

之見者弟踈愚而短於偶俗多慨激而少宛委者也
何以為世用也每一念至輒面發赤汗浸浸下不敢
訟言諸人聊為吾兄一吐耳闔宅諒集和祥不一具
訊

與崑峰周先生

胡子來貶賜德音并製詳刑說見示幸甚幸甚某朴
畧人也見風會窳巧媚顏軟語交天下即師弟間不
免私心怪之廼先生端色格言時發道義相振勗今
去函丈數千里猶諄々惠教所用造某者率詩書之

宏旨夷皋之碩業也。幸甚。狀先生何所聞斯言哉。
其不敢棄於君子之道而撫時省己復用懼然方今
為世通談者。每曰奸距脫矣。天路夷矣。直道君子可
以信心而不疑矣。年聞而樂之。迨靜謐天下事尚多
徵逐於體貌。調停於智術。是以國是若定而未定。士
風若端而未端。謂可信心而不疑。殆猶未鳥。其之朴
畧不足徇徵逐之見。赴調停之機。先生所明也。即使
其是徇徵逐之見。赴調停之機。而與時相浮沉。亦非先
生所望也。詘性以同時義不可異。時以伴性勢不行。

所以撫時省己而輒有懷然之懷者以此刑署於諸
官簡稍得自適間一閉閤坐馳恍見故里念老母八
十幾矣而身居數千里外離親羈祿且自試於塵踪
畏途之中亦竟何義每一注想形神飛越至於夢逝
而躍夢別而悲者蓋種々無虛夜特以國恩未報因
仍而未即歸耳空言訴人真成罪報今不敢隱者以
先生知我且欲以去就之義質之也胡子道先生強
食甚惻又云經一兄有北上意輒應曰余方恨離而
或者乃以離為是耶人見各有所主如此因託胡子

敬訊先生、因念前所因仍者、終當以時果、即覓老母之日、亦并獲侍先生教也、諸所祈請、惟厚自顧、審及不忘賜教而已、不宣、

與蔣日峰年丈

春正遇謁于胥江之許、而告遽而別、嘗欲為一書薦區、未及脩而寒序屆矣、頃嘉人自南至、一接問蔣侯政履、具得焉、公花已爛、成植賀之、賀之既書、一紙迺嘉士嚴子鳳手錄先子碑文、托以致弟者、弟謂新侯花已成、植父母孔通而人士猶存記往日之棠

耶矧侯又為棠埤宇事有數十年而相待者如此因
南向拜者再比其往寓書謝候再訊無恙臨祭若見
懃召堂有愷悌君子焉頌終不當一面也嚴子其
衆嘗見弟以先子之故甚眷眷今復數千里致碑文
嘉士之厚爾爾附聞

與周養吾

憶別無何歲華已暮矣昨得舍下報而吾丈以仲秋
視事花甸因指計曰昔賢有稱三月政成者斯其會
也僕嘗私念以為君子不欲行志則苟而可如欲行

之在外者十得八。在內者十不得二。何者其勢然也。
今天下赤子之瘁。人所共覩。獨為父母者。權不掛於
九牧。地不格於廟臺。令不必下堂。政不必崇朝。一念
措注。赤子已沐浴之矣。吾丈親得此快。豈以僕言為
未然耶。迺內地殊異。是張口或掩之。舉肘或掣之間。
超然獨行者。志未及行。悔吝隨踵。士往又休。此艷彼
甘。為浮沉者坐是。僕自量木鈍不足赴調停之機。踈
慵不足徇徵逐之見。而其驚劣又不能植振厲之表。
僅隨行而入。隨行而出。暇則閉門謝客。求不負清夜。

耿耿者耳寸陰易馳片能莫益亦竟何取而空襲官
祿耶仰視吾丈奚啻千里每端坐靜思不敢訟言諸
人而茲頽纓又者愧慙交集之私貪為故人竭之且
起懦發蒙端有望於來教也塵障未克留滯燕雲不
知何日承良晤一吐種又積懷耳臨書但有惆悵

與楊完愚

使來遠動手翰愛至渥也聞兄迎刃三尺且以餘力
綜他署兼人之能固宜脫穎若此若云是非數則焉
之所集必有煩言詎獨南曹北為更甚君子秉堅斯

世但欲成此心之是不能顧翕訛云者以為俯仰遂
至拾人之喙候人之息也天下惟理不可易越理言
情情何紀極甲之所利乙之所害柰之何其能夠之
弟以為宅心若虛舟承之以恬波持法若平衡執之
以金石彼雖不吾利獨無心哉縱其無心而致私怨
吾之所得亦已多矣此皆在兄度內不惜縷又薦情
者亦真為就正地耳弟近慙寡見聞且性樂閑閑坐
不習廣交以故迂慙不就損見聞不加益其為巧智
者所嫻自即星老鍛羽於秋風孫立峰結舌於冬日啣恨齋

憤寒產俱東是之故弟所難言也而隙朝清夜每不能遣諸懷旦晝復強焉班列耿耿而莫誰語真成罪報何日見兄為一吐露耶古之善交者以德義相敦不以榮利相恤弟雖不佞乎期當不負名教不玷深知幸兄時惠德音以振其劣儻戾狀有聞更望飛聲而鳴正之也隔離遼越有懷想同蓬竹寧足具載當緘倍悵

與諸龍田

盛使至辱致家兄書兼得一訊冀候慰甚慰甚况精

才潔操弟所欽仰曩始入署業已掃宿蠹起嘉穀所
苦者直微疴時作楚耳聞今者霍然去矣夫千將必
斷騏驥必至駟虞必不殺竊脂必不穀兄今宦緒雖
成清名雖登計猶惓惓若始入署日也弟七月抵舍
拜家母屬家母亦憐其婦且佐兒憂形神視往日異
弟憊然驚之間勸勿以卑者故憂勞母曰自兒未歸
吾寢不安食不能下也今見兒食頗味寢則成寐弟
聞之喜頷以形神未復意無能一日釋也弟十歲時
先大夫即棄之去家母劬劬翼而長之至有今日母

年八十高矣情景又若此弟尚忍違而他之哉以故
思及違則忤不寧只及違則咭不合足及違則痺不
舉荏苒二時漸以成病通緣期日已迫遵限北轅情
跡皆馳病轉日熾不獲已以其私具疏請命未審重
閣穆穆能明其心俯卹之否遠臣無以自達天上知
愛如兄有幾能不一為垂念且曲成之哉弟歸時辱
盛情腆貺甚具抵舍倥偬如醉夢尚稽脩謝茲方貪
竭私衷言謝又後統惟亮之

與郭性菴年丈

自獲與兄朝夕逾一年諸所指導磨琢出衷肺相示
率非面交有者比年以室人之戚歸兄既慰之復屢
瓊製惠真之臨郊眷眷情義備渥感戢何似別後計
兄展潘輿迓太夫人稱壽宴矣庭闈官跡君親具依
出門眼官躋堂上壽于子哉可知已年有母稱八十
而勢獨不得如兄輒戚戚感焉迨抵家拜老母悲歡
遞勝益依依不能已也凡人志必有安不得其安則
病若年者精神夢寐已在此堂下矣頃頃以期日設
試改轅而之北無幾何內火果作蒸又然翁又然信

志之不可強若此不獲已披其私為疏請焉遠臣之言未審得徹重闈不諒知愛如兄者必能明其心明其心必能成之諸凡事體不惜一賜周旋使母子聚樂得竊比於太夫人則至願也北極南山相望遼闊年養志於蓬室兄馳轂於天衢千里明月之懷想同之耳幸愛景光崇此名德勿以踈迹而靳德音荷甚荷甚省中諸丈緣抱病不能徧柬萬為道平區如曰越江故人敬謝之也

與史蕙津

省中辱教愛良厚臨發更辱慰頌勤勤副以嘉贐感
謝感謝秋初抵舍聞兄當以使旋已復不果因念兄
名德鴻才表豎方茂而太夫人又朝夕在侍出則脩
業入則承歡即宦邸若家可無歸已頃年居邸日勢
不能迎老母第時時東向望不能置迨今歸願與室
人喪俱老母屬暮景重以惡况形神視舊加老年見
而驚焉少選徐徐解之老母漸若有釋眠食頗安則
又喜以為亟歸固是也夫母以見兒自釋曩未見時
母之念子又何異子之念母哉人生幾何柰何以縈

祿易一日養且貽親念也一軫此懷情景依依寔不能更語別矣繼以假日漸迫輒為北轅欲齒至而再請為久侍計前往未幾內火大作神忡忡有不能堪者弗獲已䟽述所私馳上請命願君門遠在北極下而病臣之言又甚微末或當路者不明其心而寢格之是用大懼吾兄親知夙深幸推日侍高堂之情與年共之一為周旋其間則所錫顙故人者即考叔不啻也兄能無念乎千里馳誠恍然若對明冬計兄必奉簡書戒車從以便輿太夫人還爾時當伏候門下

以紓謝悵不脩

與吳見輿

承濱便附問江右言盈虛通塞之數以爲必爾然轉
穀時事易矣以兄玉質金章秉銓者儻遲之至今與
諸士周旋當信前言之不妄願恐淮泗之濱歌來暮
也泗濱因緣良父母故屈兄以從民兄豈少之哉弟
嘗謂君子居位貴在勤德而豎業因分而效庸下期
不媿於素求上期有裨於世教若其不然即附景青
雲持紫闥自君子視之直羽輕耳相知問道義不

問利祿兄今牧泗幾月矣所為蘓疲輯宥移風易俗
即今持而上之天朝者意班班也能無以報舊知者
耶弟昨濫竽西省遂已越芥東望庭闈常忽忽有歸
思既而謁告以室人喪歸老母屬暮景重以惡抱形
神更老弟驚焉輒瞻戀不能別居無何假日以迫導
限北轅情跡皆馳遂以違疾廼茲封䟽籲天丐病軀
依老母儻得遂所云則私願大足矣其他紛紛目前
者本非所顧也賫䟽人往計兄方在轂下力疾草布
如此辱兄交愛頗久弟之愚拙夙所具聞雖千里片

積想應明其非誕耳何日更一聚首追譚昔雅併出
新知乎方茲未能更祈翰教

與唐衢費年丈

使節臨武林凡幾月矣弟不能面致賀忱并與候訊
闕焉詎敢忘宿昔教愛哉去冬弟䟽病以請尋獲賜
歸屏居謝事固其分然重以溽暑侵尋坐為痰火所
困雖筆札亦置不理遂抱空誠不一徹聞故人即故人
取踈慵罪之不敢文也念兄通才曠度茲視了公事
直若遊力更以其間窮物外之奇致寄教中之勝賞

與江濤湖色共朝夕焉甚適謝病之夫恨未得奮翅
從兄遊用譚蘊雅叩新知徒悵然神馳而已入秋氣
體頗自強廼索筆伸札壹紆積私從里中望臺端忽
若親致者肺腑收春瓊瑤摘什故人肯出以教離索
者耶始小僕賁䟽者歸持龍田兄一書云以致執事
者束之一季今始克奉上尤足見踈慵者之成癖矣
罪本不敢文又非筆札能謝故人能竟原之不

與觀所周中丞

使持尊教至知年請告事函野公業已勘復踰邈未

同一旦遂其私本之我公引重故也謝謝然函野
公不以年踰遜惠然施及年又詎敢不拜施我公面
時為遠人一通悃悞焉幸甚年自得肯來朝夕北堂
私心方甚適就使知宏籌所指海上遂無寇益用忤
幸老母樂于家園每曰自非海上警將安枕不出閤
矣年今得侍且值此清宴視家園忻然稱樂國也年
之懷抱寔爾爾若崇獎所云明德高標此屬時之名
世者年本鈍疎慵自度無所能見即欲勉自脩豎疴
過百出求幾微著己之益且不能得敢云高標

辱知愛輒敢縷又布之方今載譽歷年如公更幾計
且入毘內政伏故里者將漸遠台教矣臨楮增企

答吳見輿

使來接華教無得歷又訊所履恍若親對者兄為盱
民故勤勞神力廼猶不廢授贈豈故人休戚固在公
餘存念間耶十載情懷緬想可識獨不識別來容鬢
當復何如耳古之君子所用競時惜日勉堅德業豈
徒然哉計兄當同此心期也訊間知二郎不祿因憶
曩歲相見穎質英質謂為永器今獨安遣此言之可

為愴然然脩短榮落之數司命者已制之矣獨可柰
何我兄署中高堂具慶瓊枝森立倪仰視之諸福尚
完幸以是珍重勿過戚戚傷二老心是所善處骨肉
間也弟自得告屏居謝俗日對北堂第老母夙苦痰
嗽莫年滋苦兼以弟尚療守陰過憐之弟雖朝夕侍
解悞未有以驩母顏者即欲取隙景與圖書偶少祛
蒙劣且酬平生好古之志輒以行無餘力而止秋來
身續有所聘擬冬月迎之與共定省宦轍姑置不問
蓋意氣方在此不辭作清朝豎儒矣兄視之為何如

使者旋迴拂凝塵手書以報絕之披膺布跡不於兒
隱所不能盡者求如來教所言無愧彼此而已惟各
加之意幸甚

答唐衢費年丈

使旋屬瘡甫退舍自力具數語謝距今復半月許形
神尚脉脉也念吾大使事既成行有日矣身因承集
序之役義不可稽迴瞑目含毫坐疲則復已蓋作輟
者屢而始就今讀之蕭然猶其形神也年伯篇什具
美覽臨武志兼得所惠人士者種種序直標其要義

不一又蒐撫分有漏萬之過矣第本不知文謬意文之列事猶將將兵多多益善獨韓信可耳自餘號能兵者率多難之而况委瑣下中才不當百夫長哉寧冒漏萬之過而不辭者坐是吾丈文章大方當不以第為故落也力往嵩布所私謝不敏焉敝廬視錢塘不三百里相望越歲不獲一話疇昔此本病夫謝俗之踪乃併與知交而自逝也在邇且爾後會詎期知古今離合之感率若茲途矣幸崇名德乘時自效令屏居者聞之亦足一賞第病餘非吾丈不輒具牘然

即茲具牘仍作脉脉中語耳增企又

與周養吾

使歸接芳教感感念丈衝炎速駕孤方殞心瑩築閭
諸禮具脫既別併廢札訊蕪悰寔爾統恃道諒也
聖天子垂拱漸深堯舜文章必有不終謙讓者吾丈
勉哉為憂為龍蔭寄不淺鮮矣孤倚桐搯病無所可
言獨驚鄉國灾祲寔孤解事以來所希遘百姓嗷嗷
溝瘠草警狎于耳目甫歛已然比後作何底止先憂
君子顧軫維桑將忍聞耶有可續孱萌喘息者計不

惜為廟堂獻也使往敬謝存注不覺溢言及此風便
時惠德音荷荷鄉戚諸丈哀經子不敢以名氏聞見
間幸道區又曰聖廬甦緒時忽又若對左右也

與瑤泉申年丈

首夏孤方殞越瑩築間有客捧勅文須自天上
不勝驚感聖恩曠蕩濫及孤臣既倍冰谷又得大
君子之文以為碌碌者震燥而百世寵嘉之孤何幸
得此驚感何如念客歲瞻奉顏教率又耳隨以其私
乞身東正昔人所稱方寸亂時也抵舍亡何罪遘鉅

割仰吾丈種種惠施曾未獲報謝微忽以迹誅之不
敢幾違矣廼丈不以為謹瓊瑤華袞不移時耀於其
廬夫代言之難人所明也日執鞭造請動閱幾伏臘
猶不可得而數千里孤也一旦拜此微丈之賜誰哉
孤夙瘡迂踈學慚寡過昨莊誦勅文曰知人非艱
自考惟艱至哉言乎心惕又知所砭訂矣即今摧病
筑筑坐塗耳目頽幸延視息詎敢隳棄每一念至機
若嚴師他時儻不墜落舉大君子道義之造也病孤
姓名本不敢出苦壘言念殊德有不可不亟謝者敬

因便鴻力疾布萬一北鄉拜使百爾馳誠不宣

答星瀛邵先生

忝來遠辱溫慰重以渥賜感戢感戢隨值宗人薄遊
之便摧病中附謝不莊特慈照也就忝論知為國夙
夜甚勞劇至妨沐哺又間從親交過舍者語益得聞
龔黃治罷之殺韓范籌邊之望藉又上楓宸志功勩
業固其所也比傳當宁不次簡陟彈壓晉土聽者頗
訝殊遇年以為舊德新勞時所倚重宜不得與守局
叙資者絜尋而度引少選當明其不誣耳大文夾議

時休暢厚自盟豎寔生平所自許而邇聞一二養譽
林泉起歷楚越者頗來物議墮其生平或遂指諸耆
翼之士未必皆有名實當是時不有建非常之表者
不作而震耀之安雪此言哉服草門生敢為先生預
頌之也伻往以為獻焉年疾痼孱息耳日半顙衰老
塊閱隙駒末可請益西瞻函丈有懷何如裁伺不先
徵報遙迫秉燭促藺荒眊莫能成書不莊滋甚年惶
悚惶悚

答吳見輿

孤塊謝廬外之交疎故人問訊久矣頃使持教惠至
因得悉故人勞蹟一展鬱陶孤嘗慨時之巧宦大都
崇飾聲貌以塗上下遇一舉手投足之役則謙讓未
遑若用為累然者幾以是偷度傳舍苟據便安如是
止耳然亦往往售其欺坐獵通顯中人見其然也曹
趨朋效日以益深不者不過擇一事著奇矯矯然徼
旦夕之名希君子之福幸而得志真態復見不幸遭
阻初節盡隳何者非其素也念兄策名以來三仕動
當盤錯泗之勞疲海之彫弊蒙毀觸怒惟民是勤今

驚乎為艱更甚而兄甫至輒能使椎髻溪獠回面入
穀與元元並坐此之為德又邁前軌矣至於天涯宦
邸蕭然若僧舍尤人所難然而跡兄前後坎壈留滯
曾不與巧宦者比肩而立接武而翔傳曰力田不如
逢年真可為世道慨也君子立身行己惟取無愧於
天無愧于天即使終身不遇所得良多矣况天者未
始不定耶幸永矢此心毋為巧宦者所化至望至望
孤自抱痛接壘疾疫侵尋耳目半顛衰老念不復能
有建豎兄於萬里外猶為游揚其聲愧之矣愧之矣

馬院敬同門也薦賢公義心苟無他詞苟無溢本不為嫌今茲未能裒經之悼如此辱兄知交最深不覺縷縷且不能效世俗交道湯為媚言惟道照

答少溪項年丈

客冬龍田兄遠致吾丈賻吊不勝哀感孤罪深創鉅本不敢當大君子之辱所不敢違者肅遠命也塊處望廬瞻望脩阻敢緣風便一布謝私若夫酬夙往投瓊之施扣新來杜門之養論情如積臨楮莫裁裒經之悼爾又元宇兄近聞何如体不甚病否弟雖附年

交舊未一承言面得此報懽然恨識之晚矣古來君子不能必保無歎希願時事不可言耳三嘆

與姜明岳

弟屏居寡交遊乃其心獨時時左右昨幸拜辱意可借畧聯床慰十年間濶之思而兄坐未定輒起促促若將浼者既別真成惘然其為冰谷視未見時更百之矣豈弟言動多過見所見而去耶弟罪狀日積始者兄以夙愛故欲教之以所見聞而度終不可與語遂棄之往耶蓋退而反覆思之懃焉若有失也茲者

遠辱尊使申之手教。媿又不倦。且將招徠而賜之誨。幸甚幸甚。夫以多過之身。未見棄於知愛之有道者。則又竊竊焉自喜過望矣。龍溪不理衆口。弟嘗懼其言行衡決。重為講道者增垢累。以累斯道。乃兄非輕許可者。獨與之。且師之。是即所謂善者之好。當更為龍溪生色也。魯源之舉。明是圭角。太露。豈盛德事。但兄寔見龍溪之是。而魯源實見龍溪之非。均是實心。不妨相左。大都近世講學者。多相聚胡哄。作一場話說。若見是而肯心明。其是見非。而肯心斥其非。此處出

風氣一等矣高明以為何如佳文讀之一過發明理
意自非時流所能窺至其合俗調興不則不必論也
樂湖之行當在何日幸無終棄我弟亦欲得間一扣精
廬領至教也

與陶念齋

昨濫省屬稚拙辱病無所可用賴老先生之教蚤未至
偵蹟幸已過矣官號司封國有倖封者隸也不力何
所逃罪老先生猶然眷眷惜其去也愧何人斯廼塵
不棄爾又日已懸車舊棲回首國恩寔深慙負且以

年之無狀一去不足以當罰而猶冒在告之罪以歸
更忸忸不能自安已逋臣之私非特夙昔不敢輒以
干聽惟幸察焉清時舊德不日以師臣拜爰立之選
佳公子復翩翩進於庭矣世臣後先社稷之福年不
能私賀仰祈表率人群左右 聖主協成太和之盛
年不佞將騰倚長林與村父頌之誠不勝大願

與朱龍宇

兄不幸抱北堂之憂且遘諛不自直鉅創孤憤晷夕
集哀何以堪此第時抱病出國門吊唁併失每念之

輒缺缺若遺也送役還敬以寸帛上几筵因布鄙烟
如此幸兄勉自寬終天大故疇能無痛所不可過者
禮在耳若身外得喪聖賢有之非兄獨罹且大椿在
堂齋狀騷音不可時介於左右也兄幸勉自寬弟已
作深山麋鹿晤對無期紙上語不覺縷及願終不解
所缺缺者惟兄察之

與譚敬所

津署酣話旬月吾黨萍塗中能幾遇哉昨葉工部傳
語相存知概於尊念私心誠佩之蒙頭入林坐與便

遊遠兄勿謂越山通人不寄尺素語也別來起居百
福聞天津報竣復為清源使者勞在國計種又矣且
也公家事暇課賢郎讀古人書當益瑰傑不可量而
翁能無津又喜耶弟村棲無恙以兒子付師以家小
作業付童婢身遨遊二者間退則對一榻兀坐諸無
所為惟慵癖學問覺日長進耳故人聞之想當啞然
一咲信其為豎儒也昨在津署日一姪氏從今謁選
為清源稅課使政使臺所折筭使者渠睹兄之於弟
故深也索為之容不得辭而林中苦乏便遊亦欲借

是為相問之羽遂操筆縷縷如此惟兄幸啓之無曰
說客又云則違於突恩之譴矣姪氏名某其人蠢甚
不能倚大吏顏色作非并白

與王南溟

年稚拙固陋夙幸交於令子伯成君雅稱篤焉因得
介紹而謁門下乃門下所眷眷接引若不知為稚拙
固陋也又若將推轂而勗之遠大則鄙心益啍且懣
矣無何年東歸旋出復歸維時門下去國台光遼遠
不復望見履綦而比年以來吳越得歲伯成寔泣治

之年更以夙雅故間承顏訊空山遐壤猶得聞大老
消息職此之幸夫風俗滔滔靡矣世有大老世道所
倚而重也方今冲聖馭寓海內拭目太平年野人也
不能知國論獨謂世有大老而使得遂其高以逍遙
於宅里在大老得矣如世道何蓋周臣之誥成王曰
無遺壽者何也謂其能稽謀自天也藉令不自天而
自己則涉世日久機智日深而世道奚賴焉年推拙
固陋竊有味乎古人之言而致慨慕於門下然而年
野人也不能知也伯成以榮晉之便拂綵襲而歸勒

此敬候百福并布下悰一二伏惟為世道厚自願攝
不勝至仰

與一齋溫都憲

使來拜命之辱審察戰已蒞敝省矣幸甚又吳越古
下下土廼賦輒高於田良以陘鄉之民勞野無曠
土故且海東偏也較四戰者受翫偶薄因命曰善地
然實匙穡藏民多轉而食于他或挾策或操末作甚
且為流庸烏在其能善也自往倭奴發難閭里強半
露軍興橫溢不領於常賦則頓窘比倭去而議猶

者未可息肩也常賦遂有軍須矣則又窘募兵此聚
丁夫或舍耒耜而奔命野侵尋有輿草則又窘歲之
儉窘亡惑矣即有樂歲而粟賤賦併受田者不堪供
也則又窘風會不幸屬有靡麗之習小大曹倣如以
膏沃火日就鑠而不知則又窘靡麗不已習為亡賴
游冶賭博狂逐而無所底則又窘亡賴者窘者交起
為盜受盜之氏不敢控訴捕令日峻而盜滋不可詰
司捕之不職者或挾盜以與良民市則又窘窘端無
窮而操窘無上策至於今日業以大窘之實而猶然

蒙善地之名仰誦鼎札云不謂窘而至此幸甚幸甚
明公之言及此吳越之福也夫盧緩之起病者蚤已
望而知之雖然猶屋間焉明公今者大顛此年不敢
為桑梓諱疾輒陳其概以徼門下更生之惠明公洵
更生我吳越哉則扣囊底神術錫之刀圭在茲日也
年誠不勝大望三肅使者敬布之不覺縷又悚仄又

與傅慎所

年屏跡病臥頃有傳大䟽入壑者起正襟危坐而讀
之讀已不覺掩卷而嘆也曰憂深哉大君子立朝當

如是矣居無何聞從者入明即買舟欲直扣門下一
行忡忡會瘡痛被軀未能自力往日慙焉如不能待
爾此先訊尊候燕車越艇載疾而馳寢食無若不望
為道義重自王其諸類又有懷非楮伊盡亦未欲托之
楮也瞻企不淺謁教有日惟門下幸鑒

與劉節齋

往辭明公而北辱所繚繚為行子禮者渥且篤也底
春入薊門碌碌公私冗踵未之息會乾坤圻紀鼎湖
灑涕新聖御曆興執大察事焉棘棘計畧越至於今

積不一承勳止無言謝私坐是聞明公以國計故塵
披濤涉二千里不寧處至勳已廼漕艘駛達視往獨
先勞績更章又著也廟議方重勞臣優以不次矧深
資者少選且有大拜矣年謫劣無林棲久滋其糜性
比碩強顏就列心知不堪而尚冒焉是居媿惧并之
矣明公謂何如哉力還冗隙勒此心馳臺鑒之下不
宣

與王松屏

弟出山溫字倏半載碌碌塵狀未獲便馳一牘訊王

壘故人殊念之往者別歸無何即違不天之痛玆
伏幽病閤隙駒雖踰未亟殞已槁然有死心無生樂
矣伊何時獨小山發竹之友不能不時入夢矧今玆
又小山發竹在睫也君家大人以三朝舊德抱重錦
堂兄偕仲氏侍焉天樂良具已且家庭我師儀刑朝
夕所淵涵極詣當益不可涯量則弟所夢寐思接又
詎直用小山發竹故耶日者乾坤圻紀海宇悼心太
老世臣知厯長慮賴玆天子冲聖英睿邁常似是
宗社之福幸以白君家大人敬慰之兼自慰也長安

奕枰已非昨年局面獨樂園中蒲輪行及矣兄掖
人還公車因紆夔龍手為明時黼黻毋多讓焉昔日
阿蒙更有絳繭雅貫新益之私幸欣欣鼓之而駑資
怯駕麋性驚遊雖戀堯天寔牽野思解組之念萬滅
萬起會兄來時又恐復作參商也何如又牘附馬上
往不能有所將馳誠而已曩兄歸與弟甲子子同戚然
喜有麒麟兒矣仍又嘉兆頃之謂何弟北入燕不旬
日即喪一鰥雞蓋去冬得者今獨長豚在耳聞性菴
兄挾姝數四尚子子也以夙愛或欲聞故人消息附

悉之弟自戊辰歲目便眩眊日益不便書書寄故人
又不欲屬吏殊草草

與王竺洲

節從彈壓越東年坐碌碌未能寓一牘賀願辱翰貺
之先啣且汗矣日者鯨海大戢村臯薄稔拜明公賜
甚博年誠為素梓厚幸謂宜壚市歌舞細大衽席而
間傳諸往來者云凋騷日積狗鼠時聞則何以故也
年誠不知所謂明公惠臨此一方何以噢咻而振救
之也將命者還祇此言謝因之覩縷數其詹仰惟閔

下章察

與屠冲陽

京口邂逅謁語卒卒無食頃暇良用悵然越禾載畝
客子以塵車入縣之舊棲矣蓬徑不迷席門常設雖
回首國恩多所慚負然實孱拙所竊又安者日惟都
駕已稅天上明德朗抱冠裳式詹快之鄉井逃芋者
私幸得笑詫知識勿謂秦無人也役還敬爾布賀附
言麋蹤過是深山賸賸恐不獲數奉問矣五雲紅爛
隄企何如惟勉事聖君協成和宇年不佞將陶然

終老與野父頌之誠不勝大願

與王鵬江

頃林棲一枉丈轍四辱丈翰殷又賁里門矣若其芳
聲之風接令德之波被又不可如干舉者逢人輒為
誦所知記明此郡有良二千石爾又云聞者亦輒信
其為爾又也第底春入薊門錄錄冗未息會有乾御
易紀之痛拭目新聖與執大察事焉棘又計畧思欲取
少頃暇豫為書訊別來動止不可得殊為惘然念往
者荒村閨靜居嘗閱旬時無客即客至柴徑不掃長

蒿立庭下如人形豆箕星墻角坐客其間烹野芹羞
客不謝不恭客已便闔扉如故麋性便之夫往所觀
也一行出山此景便皆春初讀所投九杞集爽然神
慕願為執鞭而當其時業已奉檄違其麋心越至於
今尚冒麋足于燕市望長林數千里空有雲外志未
敢語人始益信林緣固有淺深欲執鞭而無由也夫
雲路當南榮問方休暢而鷦鷯輒述於左右者以大
故知我且臨札觸往不能已已耳聞浙中得歲農業
不大蕪落應以歲在其野故弟未歸然歸誠樂聞此

附謝之

復郭莘溪

年不佞伏在越山竊聞明公有大造於粵土鯨鯢
儼而覆露其罷阨無論元元戴利國家寔弘賴之
者眷茲膚功畀之樞筦廟堂所為留京計者至深重
也日年冒昧出山抵都門獲拜鼎札之辱遙望台光
倍焉詹企蓋頃東南不無事矣根本之地重而後列
省得微餘福以無他虞也已忝還勒啓報謝附布幸
仰之私惟明公惠鑒之

復周三泉

往山中一奉札貺隨勒狀報謝無幾何逆軌不可攀
矣弟林居亦不啻十八間從一二所知闢丈遠跡招
提即鄉人稀復覲超然塵壒之表也心適室遐殷焉
嚮往頃睹夫東粵之命惟恐從者不出已聞出謂國
家之用君子與君子之無遐心皆盛事足喜比得丈
使翰讀之語語欵隔又幸丈之不我遺也世務時套
全覺生硬懶慢病軀不耐應酬數語恍若為弟狀者
豈山中人出山顛若是耶一二年間衆正彙進可謂

世道慶弟所為忘其固陋而輒就道良亦貧此明時
然而國是人心尚有未可解者以弟之愚不能無隱
憂也尊教才勝望勝之論最遽養民力儲將才種種
格言即非弟所得為敢不佩服相望寥濶敬勸此寓
使以聞清廟芳標第旦暮湏之旅次將面扣計四年
靜養中所得并一披鄙懷耳嶺表瘴煙勉旃良自愛

復王古林

昨過胥江重拜款貺之辱隨一附導者言謝闕然未
繼候生自潤遵陸而北以六月上旬入都門縉紳卿

士無不頌門下明德淵猷謂吳會之安養閭澤且自
今始蓋僉以夙望預信之也嘉定碑祇論已屬更新
先大夫在天之靈寔寵藉之豈惟不肖謹東向九頓
首以承大德爾此先布區區不盡詹企伏惟崇鑒荷
甚荷甚

興方新渠

山中西廨貺教闕然久不報幽棲之悵顯如此丈高
才大雅一堂卿岳十年據鞍徐徊始投鞭也雖然大
簡旦暮至矣石城名勝眎騎立遊何如哉西都賦成

肯寄一通否不佞田舍癯忽起逐又罷長安馬足間
真成小草丈謂我何冗次會崙山使還莽又附訊下
執事無恙第崙山往將無恨失一騷侶耶南風便不
惜惠音望望

與歐崙山

不佞生未識歐崙山第耳熟之矣頃倅將大疏至而
不佞蓋以職司效役其間也據牘以請遂成達士之
高因念消人業脂秣以俟將長驅作羅浮僊翁及余
不一聞問不終老失崙山哉且不佞蚤不善為言題

好讀名家者言逾始衰媿復出山迺覩高蹤輒麻
有槩也是用附將命者一布之潦畧數言然嚮往
淺已惟門下亮又

復張敬齋

件來拜命之辭愈不佞之固陋門下蓋熟鑒之矣適
冒從麋鹿中起俾從大夫之後無論慵心竊識不足
當鉅艱即睫間已事貿又如遊子索途舊徑左遷新
蹊右錯廩又虞偵頓門下夙過而好我不以一言相
規切而謚有獎詞不佞能無舐舐也門下正氣節

明德宏才廟堂之上無不欽任推轂且謂此者世道
業已稱新賢路業已稱闢而國是人心尚有不可解
者以故卷卷而急門下蓋意念深矣章貢陞脩補
善自愛不佞旦莫頃之邸次對札馳企未盡所云

復范繼川

頃年冒從山中起荷眷眷貺掖甚具也過省屬明公
行轅不獲面抒鄙懷復行及邸鹿鹿罷蹄鞅間闕然
乏片楮謝負又無可言者伴來拜命之辱念淵土竊
有天幸明公寔環澤之蘭書遄報士民之依戀可知

也年不佞敢更有請日者廟論急才旦莫菟岩穴而
潮即不朕乎哉十一郡間寧無佚未及舉者或舉而
未及用者賴軒所擊計槩於衡鑑熟矣幸不斬一二
剝之羨俾無遺賢豈徒以寵藉山川洵明公為國之
一盛事也僭易纓入惟門下財幸

復舒中陽

往明公嘉惠敝省而以其私施及林癯者蓋更剗未
易頌云貴竹寔厚幸以徵蔡戟之惠即其人昨春見
前茅不佞蚤已津又羨之何者以越人之見見貴人

也不佞孩而從先君於署黜所睹記長受遺書則先
君之於貴也蓋盡心焉今其事已屬陳蹟而遺老亦
十九零謝矣門下廼取諸遠檻而諭及不佞孤敢不
拜諭門下卓犖無前所遊刃茂難鉅者猶然不薄貴
竹不遐先君即所勤宣德業可知也不佞益津又為
貴人羨矣不佞迂劣舊我不自量應命而出野態慵
心寧堪世用願茲勉強在事如遊子索故蹊迷徑紆
歧勢疑夢想舉步虞顛越毋論長驅門下誠念舊侶
惠而存之則何以教不佞使還敬謝芳訊蕪布區

之悰如此橋首天南殺其馳企惟門下幸察

答李漸菴

往敝省幸沐拊楯之澤而年以蚤侍同舍故更過滯
渥私乃無何門下則超然舉矣年不佞竊念國家不
欲急賢則已誠欲急賢則明德邃養如門下者蒲輪
不宜須臾後詎謂轉轂越再閏迨昨歲始快覩之也
年迂褊劣暗且入山以來野態慵心滋不堪世役頃
冒奉徵檄起寔貪明時顧內省忸怩已初擬操艇
艤淮一徼提耳之惠已乃更計遵陸逐又至薊門勉

而即署憶已事強半如夢愕頽虞顛錯益自恨不果
謁教坐失指南也俘來辱不鄙夷而劄諭之敢不拜
劄至貺以虛明博大四言祛褊狃暗言言砭石也敢
不重拜敬因將命者披牘布區又焉泰運有端鼎望
僉屬年旦莫湏之京邸南嚮橋首不盡所云

答王古林

徃月附使布棕計徹尊覽矣率又從酬應中閱日坐
缺繼候伏拜鼎札以先君嘉定碑貺寄不肖孤不肖
孤蓋焚香盥手而後敢啓也夫先君則既藉大貺矣

不肖何敢顯承焉然而不肖之啣德也則視之顯承者奚啻倍也是用勒狀敬抒謝私千里馳誠仰惟門下垂察

答孫蜃川

恭惟門下三朝明德八座典刑大節較然小心翼若
蓋自杖履晝還之日海內莫不聞風企景翹佇蒲輪
矣頃者簡在聖心穆茲興望暫借留都寔虛樞鼎而
門下過東冲高懇辭榮祿尚勤封事未即脂車願惟
宸注殷降綸言敦促名山洵美寧遂卧遊巖廊匪勞

正需坐策所冀仰承皇眷顧副物情母國遐思翻然
勉出允為朝野之望非伊鄉曲之私也乃者年者起
自梓社隸于雲司事每稟呈動必矜式已而台旌南
指世路中崎嶇遊碩膚年更多茲雖清風披拂仰止
不遐而慵習因仍趨依竟格居諸荏苒七閏而遙頃
年冒昧出山驅馳在道僅式里門未煩閣者洎泊茂
苑獲覩象賢幸接慇懃備承福履聊用自慰詎敢以
聞而比辱來侔驚聞賜劄非驩焉道故則溢有譽詞
淺劣後進何以當此肅裁赤牘敬布素棕千里馳誦

傾心夙駕廿年疏節橋首還朝伏惟幸察曷任區
祈仰之至

答顧涇陽

不佞往在山中則蚤已聞門下豈古所稱卓犖絕群
者哉日過錫蓋庶幾一覩焉竟未之遂也念從者方
遠跡寥廓之鄉湛其思以輿皇墳偶道路之客宜不
足以望清塵已乃從長安馬蹄下授瓊言於繼山丈
不自意忤_又鹿_又得一當高賢荷之矣荷之矣不佞
十年專壑世我無忘頃忽拜檄而起野性慵心寧足

周世用惧辱環命且令四明麋侶笑人然業既出聊復爾又未可為高賢道也值便寓一言為謝無以抒夙悃脩棕短牘不盡所云

答黃思庵

昨過錫從繼山丈知兄里居然未及扣閣也廼繼山丈來則拜翰貺之辱重躋悚已不佞之入山也深即故人升沉率未知其解今覩副劄知事蓋有一誤而人莫之白如兄者真可為三嘆也雖然論久自定輔軒之使當有推轂門下者不佞力未能旦暮重兄

忘之耶人便敬此布復盛儀不敢當統祈幸照

答史繼舉

弟以季夏初抵燕鹿鹿逾載月矣塵蹄間徼福無恙
但野人之態觸事動涉愕境至於時套幻紛大都非所
習識間勃勃起舊念業已出聊復強而為之未知竟
作何親駕也孤旅如僧幸器君眷眷腑戚可為他鄉
之侶時一相對便南望鴻雲思馳訊起居多福未得
發而將命者至恍若面承慰可知已顧念官餽無他
竊以應鄉之溷宇下者猶不給而腴然辱貺無乃已

過手且非所以待第意也數千里遠使辭之悞覆為
尤輒不辭別具不腆謝百爾有懷何時披豁臨札無
任詹企

答劉鳳坪

憶往歲幸侍雅教忽又十二年矣門下昂望楹績業
已豎勲伐萬里之外為國勞臣承天寵良感而不佞
會從林中出寔恭覩之念欲馳片牘頌未之遂也使
來拜命之辱增啣悚已不佞往自引而錮田舍分為
東海癯農以老耄一紀幸國是大白伸孤臣初議快

然不啻足矣至并其不佞之身而謬錄之內省固陋
濫竽之謂何鄙悖竊汗且忍也門下惠而好我能無
意乎督教哉敬爾勒謝遠念因以德音請南望脩阻
未盡所云

答馮清宇

往執事露章而譚世之所諱即重忤屢獨身謫耳迺
其大義頻頻白矣不佞蓋奮欲為國請而創祖秋已
事憚亟舉無當迂迤迨春仲幾又疏入未足徹宸衷
卒賴省中諸䟽而天始回不佞則何力之與有然而

澤又焉喜有餘也聖德日新業幸察諸君子嘉錄之
簡召行至且不睹日者鄒司封平時在泰之初九矣
執事勉旃良自玉不佞起林中領銓人籍無狀忽冒
而贊奉常又將無狀執事儻以維業故惠念之也願
微諤又教焉荆識未緣寄茲薄蹠敬報下執事

答葉龍潭

不佞所詹聽門下良不淺竊獨謂忼慨而當衆所諱
避自非淵識遠慮鮮能辨此日所為借前茅而委重
輔鎮蓋亦微有意焉不然夫豈不知曩疏之與近畫

左而故以杓鑿之艱貽門下也又豈不知棄梓方微
福於門下而奪而遠之非私計也嗟又此未易以楮
筆深言者夫雷同粹未易破積弛粹殊易張驟而揭
昭於未易破之日則駭發屢屢於未易張之地則難
雖然會中之籌不必借箸掌上之運無妨徹土門下
今日所可及儻在斯乎一旦授鉞執此以往不佞竊獨
望也若不佞田間陳人耳起濫銓軸蹟蹟之謂何且
也罷才短畧即銳於執鞭而窘於啓事居頃之冒轉
矣茫然若負初心昂諭乃見謂朝著肅清辭列得人

嗟又譚何容易人豈不自知以門下猶不我督諒哉所
覬他人也使還勒此敬報芳訊輒附鄙衷如此

與徐中臺

別來林鈴十八坐與故人疏邈既抵此鹿又膠望
薊門不遠竟闕一羽訊焉然邈雲省譚聚若在晷夕
頃每一對南充語輒用爽然兄鎖鑰務重簡書靡遑
廼亦有意追記之乎而塵惠問之先也始兄筮雲省
即環瑩絕群輩猶之蒲梢湛盧不可韜帶今果吐銛
試軼在在自見矣而南充間誦兄奇篇麗句謂餘力

又往往如此相與嘆之古稱壯夫不為非然哉身於
翦故吾重之久病棲遲滋其慵腐尚茲旅進班行度
竟之安所能豎故人謂我何賤軀近被病力罷作數
語授故人使敬謝來辱十年闊緒寓茲尺書廟議方
重安攘亟賢豪兄真其人也大寄行摯強力自愛

與項少溪

昨歲艤棹伏謁荷貺教甚殷且得窺述作之富一別
歟暮有半謝候闕然微獨塵局奪人慵實其罪器君
來拜命之辱旋啣旋懷山中著書其樂良多器君願

翻脩業而息之厥效可觀矣夫將無謂報國業已有
授得遂遠志耶明時求舊恩終不使經綸手堅壁瓌
中也弟不佞頃草日出操啓事蔑所訓見輒叨移閑
館如弛檐林樾輿拙抱適頽日媿大官食耳丈何以
振誨第踰望珂里勒此敬賀世美燕承起居屬器君
便中上之統希委照

答周三泉

丈明德邃養內廷詎可少足下珮聲昨舉聊為之兆
也南中故清燕敬吾南華諸名勝朝夕良晤日甚可

知豈直石城佳山水足助道韻羨之羨之常不佞為
東海畊夫則優冒出而理銓人藉宜其不勝已夙昔
鄙衷大有願為執鞭者而日操啓事迄不能破常謂
獨伸其愚即不佞且缺又若負而況大君子將何以
督過之也抱罪裏忽忽焉叨轉祗益冰谷勒此敬謝
芳訊兼附區又

復張弘軒

伴來辱賜教稱為不佞賀且有二喜之諭知翁文惠
念同袍至厚也迺不佞則有三悞不佞至固陋患不

知人冒處非據怔怔懼速戾此一因而為二三兄弟
辱則懼復甚焉此二又因而辱清時環命則懼滋復
甚焉此三叢是三者以居洵未知所稅駕夫誠不以
賀而以傲將不佞寔慙邀一言以振賸賸門下能無
遜心乎重幣藉手復恃道亮也不宣

與胡二溪

僕不佞竊獨慕天下作者心願不與之以其故聞楚
有二溪子昨歲幸遂一識願未暇有所請益窺門下
緒指則惟膠漆之鹿之繇缺然嚙深愿比使至千黑

發教不我鄙夷甚感。門下奚所概於不佞而眷焉
來辱也有懷高雅附行謝悰嘉貺義不敢承即煩使
者告璧夙心云何非敢自遠願言幸察

與陳靜菴

巖穴賢豪門下亟在推轂之林矣頃不佞謬得操啓
事嘗一為之兆云已竟苦閑難遷延間會不佞冒轉
迄未獲訓始願方用缺又不自意蒙道亮宥其舉之
不先而謂不佞嘗有意焉從而賜命之辱不佞則何
敢當夫士遇合固有時爾以門下之望人其舍諸耶

不佞亦母敢以當在事而失賢豪恨然謂美不自已
出也使旋敬布鄙悰若盛覽業心拜之矣聊藉手上
曰以佇涓人膏秣之需門下幸亮之